

古詩文誦讀教材一覽

上學期		
年級	編號	篇章
一年級	01	江南 江南可採蓮，蓮葉何田田。魚戲蓮葉間，魚戲蓮葉東，魚戲蓮葉西，魚戲蓮葉南，魚戲蓮葉北。
	02	小松 小松初數尺，未有直生枝。閑即傍邊立，看多長卻遲。
二年級	01	詠螢 的歷流光小，飄颻弱翅輕。恐畏無人識，獨自暗中明。
	02	靜夜思 床前明月光，疑是地上霜。舉頭望明月，低頭思故鄉。
三年級	01	風鳶圖詩（其一） 柳條搓線絮搓棉，搓夠千尋放紙鳶。消得春風多少力，帶將兒輩上青天。
	02	初春小雨 天街小雨潤如酥，草色遙看近卻無。最是一年春好處，絕勝煙柳滿皇都。
	03	宿新市徐公店 籬落疏疏一徑深，樹頭花落未成陰。兒童急走追黃蝶，飛入菜花無處尋。
四年級	01	烏衣巷 朱雀橋邊野草花，烏衣巷口夕陽斜。舊時王謝堂前燕，飛入尋常百姓家。

四年級	02 賦得古原草送別 離離原上草，一歲一枯榮。野火燒不盡，春風吹又生。遠芳侵古道，晴翠接荒城。又送王孫去，萋萋滿別情。
	03 贈別 多情卻似總無情，惟覺罇前笑不成。蠟燭有心還惜別，替人垂淚到天明。
	04 絕句 兩個黃鸝鳴翠柳，一行白鷺上青天。窗含西嶺千秋雪，門泊東吳萬裏船。
	05 論語兩則 子曰：「學而時習之，不亦說乎？有朋自遠方來，不亦樂乎？人不知而不慍，不亦君子乎？」 子曰：「溫故而知新，可以為師矣。」
五年級	01 夜雨寄北 君問歸期未有期，巴山夜雨漲秋池。何當共剪西窗燭，卻話巴山夜雨時。
	02 竹里館 獨坐幽篁裏，彈琴復長嘯。深林人不知，明月來相照。
	03 長歌行 青青園中葵，朝露待日晞。陽春布德澤，萬物生光輝。常恐秋節至，焜黃華葉衰。百川東到海，何時復西歸？少壯不努力，老大徒傷悲。
	04 金鏤衣 勸君莫惜金鏤衣，勸君惜取少年時！花開堪折直須折，莫待無花空折枝。
	05 明日歌 明日復明日，明日何其多。我生待明日，萬事成蹉跎。世人苦被明日累，春去秋來老將至。朝看水東流，暮看日西墜。百年明日能幾何？請君聽我《明日歌》。

五年級	06 登樂遊原 向晚意不適，驅車登古原。夕陽無限好，只是近黃昏。
	07 石灰吟 千錘萬鑿出深山，烈火焚燒若等閒。粉骨碎身渾不怕，要留清白在人間。

六年級	01 滁州西澗 獨憐幽草澗邊生，上有黃鸝深樹鳴。春潮帶雨晚來急，野渡無人舟自橫。
	02 楓橋夜泊 月落烏啼霜滿天，江楓漁火對愁眠。姑蘇城外寒山寺，夜半鐘聲到客船。
	03 春望 國破山河在，城春草木深。感時花濺淚，恨別鳥驚心。烽火連三月，家書抵萬金。白頭搔更短，渾欲不勝簪。
	04 官倉鼠 官倉老鼠大如鬥，見人開倉亦不走。健兒無糧百姓饑，誰遣朝朝入君？
	05 過零丁洋 辛苦遭逢起一經，干戈寥落四周星。山河破碎風飄絮，身世浮沈雨打萍。惶恐灘頭說惶恐，零丁洋裏嘆零丁。人生自古誰無死，留取丹心照汗青。
	06 月兒彎彎照九州 月兒彎彎照九州，幾家歡樂幾家愁。 幾家夫婦同羅帳，幾家飄散在他州。
	07 病牛 耕犁千畝實千箱，力盡筋疲誰復傷？但得眾生皆得飽，不辭羸病臥殘陽。

六年級	08 示兒 死後元知萬事空，但悲不見九州同。王師北定中原日，傢祭無忘告乃翁。
	09 江雪 千山鳥飛絕，萬徑人蹤滅。孤舟蓑笠翁，獨釣寒江雪。
	10 買櫝還珠 楚人有賣其珠於鄭者，為木蘭之櫃，薰以桂椒，綴以珠玉，飾以玫瑰，輯以羽翠，鄭人買其櫝而還其珠。此可謂善賣櫝矣，未可謂善鬻珠也。
	11 白雪紛紛何所以 謝太傅寒雪日內集，與兒女講論文義。俄而雪驟，公欣然曰：「白雪紛紛何所似？」兄子胡兒曰：「撒鹽空中差可擬。」兄女曰：「未若柳絮因風起。」公大笑樂。